

per conzonzarsi etc. *Item*, Pavia si havia data a Franza.

Di campo, dil provedador Contarini, da Ponte Vico, di 28. Come el capitano zeneral era in Cremona e teniva le porte di la terra serade con gran guarda; havia deliberado al tutto trovar tutti li cavali de quelle 200 lanze e tutti li fanti, qual vol svalzarli di butini fati per avanti sul nostro etc.

Fu posto, per li savii, dar a sier Andrea Griti procurator, qual sarà provedador zeneral nostro in el campo di Franza, ducati 150 al mexe per spexe, et mandarli ducati 500 per do mexi, et 200 ducati per cavali. Fu presa.

Fu posto, per li diti, dar a sier Marco Dandolo dottor e cavalier, è restato orator nostro in Franza, ducati 120 al mexe per spexe e darli per tre mexi, et li danari per li cavali. Fu presa.

Fu terminato, atento sier Alvixe Bembo provedador executor in campo è restà in Peschiera, e sier Sigismondo di Cavali è stà preso da i nimiei e condotto a Verona, che *de presenti* sia electo per scurtinio uno provedador executor in campo con li modi e condition fono electi questi do, e parti subito; è presa. Tolto il scurtinio, rimase sier Nicolò Vendramin, qual vien in Pregadi et à il titolo, qu. sier Polo qu. Serenissimo Principe, di età zovene, di anni . . . , ma pratico e homo dignissimo; el qual rimasto, accettò et parti il zorno sequente. E acciò il tutto si vedi, qui avanti sarà posto il scurtinio.

È da saper, in le lettere di sier Andrea Griti procurator, si meraviglia che nulla sa dove sia il nostro exercito, che per tante sue à confortato il spingersi avanti per favorir la impresa.

Di Franza, di sier Marco Dandolo orator nostro. Come de li è lettere si meravigliava non era stà dà soccorso a la rocha di Cremona, et sono false queste cosse; ma procede non hanno auto li avisi che li fo mandati, et è de colpa di messi è stà spazati.

162 *Scurtinio di provedador et executor in campo.*

Sier Zustignan Morexini fo provedador in campo, qu. sier Marco	69.105
Sier Alvise Pizamano, fo provedador a Sazil, qu. sier Francesco	75.108
Sier Marco Miani, fo XL zivil, qu. sier Anzolo, è a la custodia di Padoa	38.144
Sier Almorò Pixani, fo vice capitano al Golfo, qu. sier Hironimo	75.105
Sier Silvestro Trun, fo provedador a la Mota, qu. sier Mafio	19.156

Sier Polo Bragadin qu. sier Zuan Alvise, fo in l'asedio di Padoa	31.147
Sier Piero Gradenigo, ch'è cataver, qu. sier Anzolo	52.120
† Sier Nicolò Vendramin, è di Pregadi, qu. sier Polo qu. Serenissimo Principe	107. 76
Sier Bortolamio Falier qu. sier Lucha, fo vice soracomito	36.148
Sier Lorenzo Minio, fo provedador a Gradisca, qu. sier Almorò	33.149
Sier Andrea Zivran, fo provedador a la recuperation di Crema, qu. sier Piero	86.100
Sier Piero Trivixan qu. sier Polo, fo in l'asedio di Padoa	30.147
Sier Vincenzo Zen, fo Cao di XL, qu. sier Thomà cavalier, fo a la custodia di Padoa	28.155
Sier Polo Contarini qu. sier Francesco, fo provedador di stratioti	33.147
Sier Polo Nani, fo pagador in campo, qu. sier Zorzi	50.128
Sier Zuan Dolfìn, fo provedador a Felitre, qu. sier Hironimo	65.106
Sier Zuan Orio, fo podestà a Noal, di sier Bernardin	33.150
Sier Francesco Pasqualigo, fo provedador di stratioti in Histria, qu. sier Vetor	71.108
Sier Zuan Francesco Badoer di sier Giacomo qu. sier Sebastian cavalier	72.109
Sier Nicolò Michiel, fo provedador ai Urzi Nuovi, qu. sier Francesco	80.100
Sier Carlo Marin, fo provedador a Legnago, qu. sier Antonio	52.130
Sier Zuan Nadal, fo XL zivil, qu. sier Bernardo, è a la custodia di Padoa	41.136

A dì 31, la matina, vene lettere di campo da Pontevico, dil provedador Contarini, di 29, ore Come aspetavano la tornata dil capitano zeneral di Cremona per andar poi a la impresa di Brexa; et ch'el dito capitano havia opinion andar di longo verso Milan, et il governador era di contraria opinion; sichè tra loro do capi non era bona intelligentia.

Di Cremona, fo lettere del signor Bortolomio capitano zeneral nostro, di . . . Zercha questa sua opinion andar verso Ada per far voltar Milan, et *maxime* per l'aviso si ha spagnoli vanno via, et aver scritto al governador di questo, e altre particolarità.